

Téama 5: Rang a trí agus rang a ceathair

Eacsadas 1:8-14,22, Caitear go crud leis na hIosraeilítigh san Éigipt

Tháinig rí nua i réim san Éigipt. Agus dúirt seisean lena mhuintir: "Muintir seo Iosrael, féachaigí conas mar a sháraíonn siad sinn i líonmhaire agus i neart. Téanaigí agus bímis glic leo d'fhonn nach méadódh ar a líon." Uime sin chuireadar saostí saothair os a gcionn chun iad a chloí le hualaí troma...Chuireadar iallach ar mhuintir Iosrael dá bhrí seirbhis an éigin a dhéanamh agus d'fhágadar an saol go searbh acu. (Ar deireadh) thug Faró ordú dá mhuintir go léir: "Gach gin mhic a bhéarfad do na hEabhraigh, caithigí san abhainn é; ach ligigí do na hiníonacha go léir maireachtáil."

Eacsadas 3:1-16, Glaonn Dia ar Mhaois

Bhí Maois ag aoireacht tréad athair a chéile. Sheol sé a thréad go hiarthar an fhásaigh agus tháinig go Horeb, sliabh Dé. Thaispeáin aingeal an Tiarna é féin dó ansiúd i riocht lasair thine ag teacht as lár toir; d'fhéach sé agus d'shiúd an tor ar lasadh ach gan é á dhó. "Caithfidh mé dul i leataobh," arsa Maois, "agus an radharc iontach seo a fheiceáil- cén fáth a bhfuil an tor gan dó." Nuair a chonaic an Tiarna é ag dul i leataobh á fheiceáil, ghlaogh Dia air ón tor: "A Mhaois, a Mhaois!" "Anseo dom", ar sé. "Ná tar níos gaire," arsa (an Tiarna), "bain do bhróga de do chosa óir an ball ar a bhfuil tú i do sheasamh, is talamh naofa é." Ansin dúirt an Tiarna: "Chonaic mé an cruatan atá ar mo phobal san Éigipt agus chuala mé a screadaíl de bharr a saostí saothair; is eol dom a bpianta... Téanam mar sin agus cuirfidh mé ag triall ar Fharó thú chun go dtabharfá mo phobal, clann Iosrael, as an Éigipt amach." Dúirt Maois le Dia: "Cé hé mise a rá is go rachainn ag triall ar Fharó agus clann Iosrael a thabhairt ón Éigipt amach?"

"Beidh mise leat," ar sé, "agus beidh seo mar chomhartha agat air gur mise a sheol thú. Nuair a thabharfaidh tú mo phobal leat amach as an Éigipt, déanfaidh tú Dia a adhradh ar an gcnoc seo." Ansin dúirt Maois le Dia: "Má théim go clann Iosrael agus a rá leo: 'Dia bhur n-aithreacha a

chuir mise chugaibh,' agus go bhfiafraíonn siad díom: 'Cén t-ainm atá air?' Céard a déarfadh mé leo?"

Dúirt Dia le Maois: "Is mé an té atá ann," agus lean sé air: "agus abair é seo le clann Iosrael: 'An té atá ann is é a sheol chugaibh mé.'...Chonaic mé a ndearnadh libh san Éigipt; agus chinn mé sibh a thabhairt amach as cruatan ne hÉigipte agus isteach i dtír ina bhfuil bainne agus mil ina slaoda.'

Samhlaigh gur tusa Maois ar an lá sin nuair a chuala sé Dia ag galocha air. Tarraing pictiúr nó scríobh cuntas ar an méid a tharla.

Conradh Shíonáí (Eacsadas 19:3-8) agus Na Deich nAitheanta (Eacsadas 20: 1-11)

Ansin chuaigh Maois suas chun Dé agus ghlaigh an Tiarna air ón sliabh á rá: 'Chonaic sibh féin a ndearna mé leis na hÉigiptigh, agus conas mar a thug mé chugam féin sibh. Uime sin má choimeádann sibh mo chonradh beidh sibhse i mo sheilbhse ar leithrigh...' Agus d'fhreagair an pobal go léir d'aonghuth: "A bhfuil ráite ag an Tirana, comhlíonfaimid." Agus thug Maois freagra an phobail ar ais chun an Tiarna.

Labhair Dia na briathra seo go léir. Dúirt sé: "mise an Tiarna do Dhia a thug thú amach as tír na hÉigipte agus as teach na daoirse. Ná bíodh aon déithe eile agat i mo láthair...Ná luaigh ainm an Tiarna, do Dhia, le mí-úsáid a bhaint as. Óir an té a luafaidh ainm an Tiarna, do Dhia, le mí-úsáid a bhaint as, ní fhágfaidh an Tiarna gan phionós é. Cuimhnigh ar an tsabóid agus coinnigh naofa í. Caithfidh tú sé lá ag obair agus déanfaidh tú do shaothar go léir, ach an seachtú lá, is sabóid é don Tiarna do Dia. An lá sin ná déan scaob oibre-tú féin ná do mhac, ná d'iníon, ná do dhaor ná do dhaoirseach, ná do stoc ná an deoraí atá faoi do dhíon. Óir is i sé lá a rinne an Tiarna neamh agus talamh agus an fharraige, agus gach a bhfuil iontusan, ach ar an seachtú lá scoir sé ó obair. Uime sin beannaigh an Tiarna lá na sabóide agus naomhaigh é.

1. Conas a thuigeann tú conradh idir Dia agus daoine Dé?
2. An bhfuil comhaontuithe déanta agat? Conas a bhí sé duitse comhaontuithe a dhéanamh agus a choimeád?
3. Conas a bhfuil tú ag maireachtáil de réir na rialacha le linn na paindéime, COVID?

Samhlaigh gur tusa Maois. Tarraing pictiúr nó scríobh paidir